

ქ. თბილისი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მერია (შემდგომში - „შემსყიდველი“), წარმოდგენილი ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის (ადმინისტრაციის უფროსი) ვლადიმერ ჭილაძის სახით და მეორეს მხრივ, შპს „SOLARTIA GROUP“ (შემდგომში „მიმწოდებელი“), წარმოდგენილი მისი დირექტორის გიორგი ნიჟარაძის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება,

ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია: ქ. თბილისში, ძველი აეროპორტის შესასვლელის მიმდებარე ტერიტორიიდან ბესარიონ ქებურიას არქიტექტურულ-მხატვრული კომპოზიციის (ძეგლი) შოთა რუსთაველის სახელობის თბილისის საერთაშორისო აეროპორტის მოფრენის დარბაზსა და ახალ ავტოსადგომს შორის არსებულ ტერიტორიაზე გადატანის და სკულპტურული კომპოზიციის პირვანდელი სახით აღდგენა-რესტავრაციის მომსახურების სახელმწიფო შესყიდვა. შესყიდვის ობიექტის ტექნიკური მახასიათებლები და ერთეულის ღირებულებები მოცემულია მიმწოდებლის მიერ წარმოდგენილ მომსახურების ხარჯთაღრიცხვაში (დანართი N1). მომსახურების ხარჯთაღრიცხვა (დანართი N1) და ბესარიონ ქებურიას არქიტექტურულ-მხატვრული კომპოზიციის (ძეგლი) პროექტი (დანართი N2) თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი- 34 ფურცელი).
- 2.2 შესყიდვის საშუალება - ელექტრონული ტენდერი (აუციონის გარეშე), განცხადების ნომერი: NAT210001748.
- 2.3 ხელშეკრულების საერთო ღირებულება შეადგენს 127 105.59 (ასოცდაშვიდიათას ასხუთი ლარი და ორმოცდაცხრამეტი თეთრი) ლარს, ყველა ხარჯისა და გადასახადის ჩათვლით.
- 2.4 კლასიფიკატორის კოდი - 92312230 - მოქანდაკეების მიერ გაწეული მომსახურებები.
- 2.5 ხელშეკრულება ძალაშია 2021 წლის 22 თებერვლიდან 2021 წლის 31 აგვისტოს ჩათვლით.
- 2.6 ხელშეკრულებით გათვალისწინებული მუხლები, რომლებიც ეხება საგარანტიო ვადას, ძალაშია საგარანტიო ვადის პერიოდში.

3. მომსახურების გაწევის პირობები, ვადა და ადგილი

- 3.1 მომსახურების გაწევის ვადა: ხელშეკრულების ძალაში შესვლიდან არაუგვიანეს 90 (ოთხმოცდაათი) კალენდარული დღე (აღნიშნულ ვადაში შედის ექსპერტიზის დასკვნის წარმოდგენის ვადა):
- 3.1.1 I ეტაპი - მერცხლის ქანდაკების დამზადება (მერცხლის ქანდაკება უნდა შეესაბამებოდეს ესკიზში მითითებულ პარამეტრებს) - ხელშეკრულების ძალაში შესვლიდან არაუგვიანეს 45 (ორმოცდახუთი) კალენდარული დღე;
- 3.1.2 - II ეტაპი - შოთა რუსთაველის სახელობის თბილისის საერთაშორისო აეროპორტის მოფრენის დარბაზსა და ახალ ავტოსადგომს შორის არსებულ ტერიტორიაზე პოსტამენტის სამშენებლო-მოსაპირკეთებელი სამუშაოების განხორციელება (წარმოდგენილი პროექტის მიხედვით), ძველი აეროპორტის შესასვლელის მიმდებარე ტერიტორიიდან ბესარიონ ქებურიას ძეგლის დემონტაჟი და ტრანსპორტირება, ძეგლისა და მერცხლის ქანდაკების მონტაჟი პოსტამენტზე და მასზე ბესარიონ ქებურიას შესახებ ორენოვანი (ქართული, ინგლისური) ანოტაციის დატანა (პროექტის მიხედვით) - ხელშეკრულების ძალაში შესვლიდან არაუგვიანეს 90 კალენდარული დღე (აღნიშნულ ვადაში შედის ექსპერტიზის დასკვნის წარმოდგენის ვადა).
- 3.3 მიმწოდებელი ვალდებულია ხელშეკრულების 3.1.1 პუნქტით გათვალისწინებულ ვადაში ქანდაკება წარუდგინოს შემსყიდველს. ქანდაკების დადებითად შეფასების შემთხვევაში განხორციელდება II ეტაპით („პოსტამენტის სამშენებლო-მოსაპირკეთებელი სამუშაოები“) გათვალისწინებული სამუშაოები, ხოლო მერცხლის ქანდაკების უარყოფითად შეფასების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და გამოითხოვოს გაცემული სავანსო თანხა (წინასწარი ანგარიშსწორების შემთხვევაში).
- 3.4 მომსახურების გაწევის ადგილები:
- 3.4.1 დემონტაჟი: ქ. თბილისი, ძველი აეროპორტის შესასვლელის მიმდებარე ტერიტორია;
- 3.4.2 მონტაჟი: ქ. თბილისი, შოთა რუსთაველის სახელობის თბილისის საერთაშორისო აეროპორტის მოფრენის დარბაზსა და ახალ ავტოსადგომს შორის არსებული ტერიტორია.
- 3.5 მომსახურების ხარჯთაღრიცხვის (დანართი №1) „პოსტამენტის სამშენებლო-მოსაპირკეთებელი სამუშაოები“-ს თავით გათვალისწინებული სამუშაოების შესრულებისას გათვალისწინებული უნდა იქნას საქართველოს მთავრობის 2014 წლის 14 იანვრის N55 დადგენილების მოთხოვნები.
- 3.6 მომსახურების გაწევის დასრულების შემდეგ მიმწოდებელი ვალდებულია თავისი ძალებით და სახსრებით დაუყოვნებლივ გაათავისუფლოს მომსახურების გაწევის ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან და ა. შ.

4. გასაწევი მომსახურების ხარისხი

- 4.1 გაწეული მომსახურების და შესრულებული სამუშაოების ხარისხი უნდა შეესაბამებოდეს საქართველოს მოქმედ და ხელშეკრულებით განსაზღვრულ ნორმებს და მოთხოვნებს.
- 4.2 შესყიდვის ობიექტის საგარანტიო ვადა შეადგენს მიღება-ჩაბარების აქტის გაფორმებიდან 2 წელს.
- 4.3 საგარანტიო ვადის განმავლობაში შესყიდვის ობიექტის მიერ დეფექტის/წუნის/ხარვეზის გამოვლენის შემთხვევაში (ქურდობისა და ვანდალიზმის ფაქტების გარდა), იგი უნდა შეკეთდეს ან შეიცვალოს ახლით, შემსყიდველის მოთხოვნიდან არაუგვიანეს 20 (ოცი) კალენდარულ დღეში.
- 4.4 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5. ხელშეკრულების შესრულების კონტროლი (ინსპექტირება)

- 5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და შეამოწმონ გაწეული მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებით გაწეული მომსახურების ხელახალი შესრულება.
- 5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი) ან/და ქალაქ თბილისის მუნიციპალიტეტის მერიის ადმინისტრაციის ღონისძიებათა უზრუნველყოფის სამსახურის თანამშრომლები.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 6.2 შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი).
- 6.3 მომსახურების ხარჯთაღრიცხვის „პოსტამენტის სამშენებლო-მოსაპირკეთებელი სამუშაოები“-ს გათვალისწინებულ სამუშაოებზე მიმწოდებელი ვალდებულია მიღება-ჩაბარების აქტის გაფორმებამდე შემსყიდველს წარმოუდგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან შესაბამის სფეროში სხვა აკრედიტირებული პირის (დასკვნასთან ერთად წარმოდგენილი უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი) მიერ გაცემული ექსპერტიზის დასკვნა შესრულებული სამუშაოების მოცულობების შესახებ.
- 6.4 შემსყიდველსა და მიმწოდებელს შორის მიღება-ჩაბარების აქტი გაფორმდება მხოლოდ ხელშეკრულებით გათვალისწინებული შესყიდვის ობიექტის სრულად მოწოდების შემდეგ.

7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება განხორციელდება 2021 წლის ადგილობრივი ბიუჯეტის სახსრებით, საბოლოო მიღება-ჩაბარების აქტის გაფორმებიდან 10 სამუშაო დღის განმავლობაში.
- 7.3 იმ შემთხვევაში, თუ ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული გაწეული მომსახურების ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.
- 7.4 შესყიდვის ობიექტის ღირებულების 30 %-ის ანაზღაურდება შესაძლებელია მოხდეს მიმწოდებლის მიერ წარმოდგენილი წინასწარი ანგარიშსწორების, საავანსო საბანკო გარანტიის საფუძველზე, საავანსო თანხის იდენტური ოდენობის, უპირობო, გამოუთხოვადი საბანკო გარანტიის წარმოდგენის შემდგომ. საავანსო საბანკო გარანტიის მოქმედების ვადა არანაკლებ 60 კალენდარული დღით უნდა აღემატებოდეს შესყიდვის ობიექტის მოწოდების ვადას. მიმწოდებელმა ავანსის თანხები უნდა გამოიყენოს მხოლოდ ამ შესყიდვებთან დაკავშირებული ვალდებულებების შესასრულებლად.

7.5 უპირობო, გამოუთხოვადი საავანსო საბანკო გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

8. ხელშეკრულების პირობების შესრულებლობა **(საჯარიმო სანქციები, ფორმა, ოდენობა და გადახდის ვადები)**

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შესრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შესრულებლობის ან არაჯეროვნად შესრულების შემთხვევაში, მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,2%-ის ოდენობით.

8.3 ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) კალენდარული დღის ვადაში.

8.5 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შესრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შესრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
- ბ) მიმწოდებლის მიერ ხელშეკრულებით ნაკისრი ვალდებულებების შესრულების ვადის 5 კალენდარულ დღეზე მეტი ვადით გადაცილების შემთხვევაში;
- გ) ხელშეკრულების 3.3 პუნქტით გათვალისწინებული დამზადებული ქანდაკების უარყოფითად შეფასების შემთხვევაში;
- დ) თუ შემსყიდველისთვის ცნობილი გახდა, რომ შემსყიდველი/მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ე) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შედავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შესრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ

შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

12.2 ხელშეკრულების ღირებულებითი პარამეტრების შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტ. პირი ბ-ნი გიორგი ნიჟარაძე, მობილური ტელეფონის ნომერი 555109311, ელექტრონული ფოსტა: g_nij@mail.ru;

ბ) შემსყიდველის შემდეგი რეკვიზიტები: საკონტ. პირი ქალბ-ნი ანა კილაძე, მობილური ტელეფონის ნომერი: 598 53 33 53, ელექტრონული ფოსტა: a.kiladze@tbilisi.gov.ge, anikiladze111@gmail.com.

13.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

13.4 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

14.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. სხვა პირობები

15.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი

შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

15.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

15.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16. მხარეთა იურიდიული რეკვიზიტები

შემსყიდველი:

ქალაქ თბილისის მუნიციპალიტეტის მერია
მის: ქ. თბილისი, ქ. შარტავას ქ. №7
სახელმწიფო ხაზინა
კოდი: TRESGE22
ა/ა №GE24NB0330100200165022
ს/კოდი: 204521794

ქალაქ თბილისის მუნიციპალიტეტის
მერიის ადმინისტრაციის შიდა დირექტორის
სტრუქტურული ერთეულის
ხელმძღვანელი (ადმინისტრაციის უფროსი)

ვ. ჭილაძე



მიმწოდებელი:

შპს „SOLARTIA GROUP“
მის: ქ. თბილისი, აგლადის ქ. N7
სს „თიბისი ბანკი“
კოდი: TBCBGE22
ა/ა: № GE51TB7922336030100001
ს/კოდი: 438725408

შპს „SOLARTIA GROUP“-ის

დირექტორი

გ. ნიჟარაძე

მომსახურების ხარჯთაღრიცხვა

	მომსახურების დასახელება	განზომ. ნიშა	რაოდენობა	მასალა		ხელფასი		მანქანა/მექანიზმები		ჯამი
				ერთ.	ხელ	ერთ	ხელ	ერთ	ხელ	
1	მერცხლის ქანდაკების შეკრულება მინამზლასტიკით (ფაბერიკალსით)	ცალი	1	0	0	0	0	0	0	67,280.00

პოსტამენტის სამშენებლო-მოსაკრეკეთებელი სამუშაოები

2	ძველის დემონტაჟი ტრანსპორტირება და მონტაჟი (ძველი აეროპორტის შესასვლელის მიმდებარე ტერიტორიიდან მთა რუხთაველის სახ. თბილისის საერთაშორისო აეროპორტის მოვრების დარბაზსა და ახალ ავტოსადგომს შორის არსებულ ტერიტორიაზე)	ცალი	1	0	0	1,200.00	1,200.00	500.00	500.00	1,700.00
3	სამირკვლის ქვაბულის მოშადება ხელით	მ³	13.2	0	0	12.36	163.15	0	0	163.15
4	მრუნტის დაპირთვა ხელით ავტოთვიმსვლელზე	მ³	13.20	0	0	5.22	68.90	0	0	68.90
5	მრუნტის გადამღვივება ნაკარმი 25 კმ.	ტ.	24.42	0	0	0	0	7.46	182.17	182.17
6	კვარცხლბეკის მოსაწყობად ღორღის ფენის მოწყობა	მ³	2.160	19.63	42.40	6.94	14.99	1.48	3.20	60.59
7	კვარცხლბეკის მოწყობა მონილოთური რეაბიტინით B-22.5 არმატურა 12 A500s	მ³	32	144.6	4,627.2	39.96	1,278.72	2.36	75.52	5,981.44
		ტ.	0.35	1573	550.55	0	0	0	0	550.55
8	კვარცხლბეკის ზედაპირზე ჩასატანებული დეტალის მოწყობა	ტ.	0.30	2408	722.40	1,260.00	378.00	5.60	1.68	1,102.08
9	მერცხლის ქანდაკების სამაგრი ლითონგონსტრუქციის მოწყობა	ტ.	1.44	2422.35	3,488.18	419.64	604.28	80	115.20	4,207.67
10	ლითონის ელემენტების შეღებვა 2 ფენა ანტიკორიზიული საღებავით	მ²	38.85	2.34	90.91	5.3	205.91		0	266.81
11	ზემირკვლის მოპირკეთება 30 მმ სისქის ბაზალტის ფილებით	მ²	35	45.78	1,602.30	46.8	1,638.00	0.72	25.20	3,265.50
12	ბაზალტის ბორღორების მოწყობა 30X15 სმ	მრძ. მ.	38	26.57	1,009.66	6.66	253.08	0.03	1.14	1,263.88
13	მოფირირებული (ღ-20) მილის მოწყობა	მრძ. მ.	80	0.84	67.20	1.20	96.00	0.49	39.20	202.40
14	საილენძის კაბულის მოწყობა მოფირირებულ მილში გატარებით Cu 5X1.5 mm	მრძ. მ.	80	3.00	240.00	0.51	40.80	0.01	0.80	281.60


15	ჯლ. გამანაწილებელი კარადა 300X400X195	კომპლ.	1	63.76	63.76	6.00	6.00	0.24	0.24	70.00
16	სამკილუქა ავტომატური ამოწმაველი (ნიმდლავრე ჰრ-32A) /მონტაჟით	ცალი	1	31.38	31.38	6.00	6.00	0.2	0.20	37.58
17	გარე განათების სანათი (LED, 120W) /მონტაჟით	ცალი	6	112.32	673.92	12.50	75.00	1.16	6.96	755.88
18	ღამინების ჯერტ. ელექტროდი 1.5 მ. 17.20მ, სპილენძის დამარვით/მონტაჟით	ცალი	6	16.41	98.46	1.56	9.36	0.07	0.42	108.24
19	ღამინების ჰორიზონტალური ელექტროდი ზოლანა 20*3 მმ მოთუთიებული/მონტაჟით	მ	35	3.34	116.90	1.79	62.65	0.09	3.15	182.70
	ჯანი	ლარი			13,425.22		6,100.84		955.1	87,761.15
	მასალების ტრანსპორტირება (მერცხლის ქანდაკების გარეშე)	2.00%			13,425.22					268.50
	ჯანი	ლარი								88,029.65
	ზედნადები ბარჯები	10%								8,802.97
	ჯანი	ლარი								96,832.62
	მეგრერი დამრავება	8%								7,746.61
	ჯანი	ლარი								104,579.23
	გუთვალსწინებული ხარჯები	3%								3,137.38
	ჯანი	ლარი								107,716.60
	დღმ	18%								19,388.99
	ჯანი	ლარი								127,105.59


განუთლი მომსახურების საგანტარი ვადა: მოდება ჩაბარების აქტის გაფორმებიდან 2 წლის განმავლობაში


შენიშვნა:


სატენდერი წინადადების ფასში პრეტენდენტმა უნდა გათვალისწინოს მომსახურებასთან დაკავშირებული ყველა ხარჯი (ტრანსპორტირება და სხვა) და გადასახალი.


პრეტენდენტის მიერ სახელმწიფო შესყიდვების ერთიან ელექტრონულ სისტემაში პტვირულ სატენდერი დოკუმენტაციის დანართი N1-ის შესაბამისად წარმოსადგენ ინფორმაციაზე სავალდებულოა კვალიფიციური ელექტრონული ხელმოწერის შესრულება ან კვალიფიციური ელექტრონული მტამის დამტა.




























































B
































BPG ExtraSquare Mtavuli





**ხელწერილი
ინტერესთა კონფლიქტის არარსებობის შესახებ**

ქ. თბილისი

22.02.2021 წელი

ქვემოთ ხელის მომწერნი ვადასტურებთ, რომ ქ. თბილისში, ძველი აეროპორტის შესასვლელის მიმდებარე ტერიტორიიდან ბესარიონ ქეზურის არქიტექტურულ-მხატვრული კომპოზიციის (ძეგლი) შოთა რუსთაველის სახელობის თბილისის საერთაშორისო აეროპორტის მოფრენის დარბაზსა და ახალ ავტოსადგომს შორის არსებულ ტერიტორიაზე გადატანის და სკულპტურული კომპოზიციის პირვანდელი სახით აღდგენა-რესტავრაციის მომსახურების სახელმწიფო შესყიდვის ელექტრონულ ტენდერში (აუქციონის გარეშე) (სატენდერო განცხადება: NAT210001748), გამარჯვებულ პრეტენდენტთან (შპს „SOLARTIA GROUP“) მიმართებაში, ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ტენდერში მონაწილეობით ინტერესთა კონფლიქტში არ ვიმყოფებით.

**შემსყიდველის მხრიდან ხელშეკრულებით ნაკისრი ვალდებულებების
შესრულების კონტროლი (ზედამხედველი):**

ქალაქ თბილისის მუნიციპალიტეტის მერიის ადმინისტრაციის
ღონისძიებათა უზრუნველყოფის სამსახურის მეორადი
სტრუქტურული ერთეულის ხელმძღვანელი
(სამსახურის უფროსის მოადგილე)



დავით ბერია

ქალაქ თბილისის მუნიციპალიტეტის მერიის ადმინისტრაციის
ღონისძიებათა უზრუნველყოფის სამსახურის
მეორე კატეგორიის უფროსი სპეციალისტი



ანა კილაძე